

本草品彙精要

本草品彙精要續集目錄

卷之三

穀豆部

正續一十三種

玉蜀黍

綱目

穆子

救荒本草

稗

綱目

菰米

陳藏器

阿芙蓉

綱目

蠶豆

綱目

刀豆

綱目

豆黃

延年秘錄

青精乾石飢飯

圖經

稷

綱目

寒具


綱目

蒸餅

綱目

米粃

汪穎



本草品彙精要續集卷之三

太醫院

吏目臣王遵義
醫士臣江兆元奉

旨纂輯

穀豆部

玉蜀黍

無毒

玉蜀黍主調中開胃○根葉主小便淋瀝沙石痛不

可忍煎湯頻飲

本草綱目

名

玉高梁

地

李時珍曰玉蜀黍種
出西土種者亦罕

苗

苗高三四尺如秕麥狀苗心別出一苞如棕魚形
苞上出白鬚垂垂久則苞折子出顆顆攢簇子亦

大如稷子可煨炒食之炒時六七月開質如秕麥狀
折白花如炒折糯穀之狀花成穗
似蜀黍而肥味甘性平
矮亦似蕙苳

穆子

無毒

穆子主補中益氣厚腸胃濟饑

救荒本草

名

龍爪粟

李時珍

曰穆乃不粘之稱也又不實之

地

周憲王曰穆子生
水田中及下濕地

苗

葉似稻但差短稍頭結穗彷彿稗子穗其子如黍
粒大茶褐色擣米煮粥炊飯磨麪皆宜李時珍曰

穆子山東河南亦種苗如茭黍有三稜如水中蘆草
之莖開細花簇簇結穗如粟穗而分數岐如鷹爪之
狀內有細子如黍粒而時五月種之八色赤味甘性
細其稈甚薄其味粗澁九月抽莖

稗無毒

稗米主作飯食益氣宜脾故曹植有芳菰精稗之稱
苗根主金瘡及傷損血出不已搗傳或研末摻之

卽止甚驗

本草綱目

名

李時珍曰稗乃禾之卑賤者也故字從卑

地

李時珍曰稗處處野

生最能

苗

莖葉穗粒並如黍稷一斗可得米三升故曰五穀不熟不如稗稗稗苗似稗而穗如

粟有紫毛卽烏禾也

爾雅

謂之莩

陶弘景曰

稗子亦

可食又有烏禾生野中如稗荒年可代糧而殺蟲煮

以沃地螻蛄皆死

陳藏器曰

稗有二種一種黃白色

一種紫黑色紫黑者似芑有毛北人呼爲烏禾

周憲

王曰稗有水稗旱稗水稗生田中苗葉似稭子色深綠根下葉帶紫色稍頭出扁穗結子如黍粒茶褐色味微苦性溫磨麵食之皆宜

味 辛甘苦 **性** 微寒

菰米 無毒

菰米主止渴 拾遺 解煩熱調腸胃 本草 名 菱米 彫

雕地 蘇頌曰菰生水中李時珍曰菰本作苽菱草也胡地 其中生苗如瓜形可食故謂之苽其米須霜彫

時采之故謂之彫苽或訛為雕胡枚乘七發謂之安胡爾雅齧彫蓬薦黍蓬也孫炎註云雕蓬即茭米古

人以為五飯之一者鄭樵通志云雕蓬即米茭可作飯食故謂之齧其黍蓬即茭之不結實者惟堪作薦

故謂之薦楊慎卮言云蓬有水陸二種雕蓬乃水蓬彫苽是也黍蓬乃旱蓬青科是也青科結實如黍美

人食之今松州有焉**李時珍**按**鄭楊**二**苗**葉如蒲葦

說不同然皆有理蓋蓬類非一種故也**苗**其苗有莖

梗者謂菰蔣草至秋結實乃雕胡米也古人以為美

饌今饑歲人猶采以當糧**陶弘景**曰苽米一名雕胡

可作餅食**陳藏器**曰雕胡是菰蔣草米古人所貴故

內則云魚宜苽皆木物也**曹子建**七啟云芳苽精稗

謂二草之實可以為飯也**葛洪**西京雜記云漢太液

池邊皆是雕胡紫籜綠節蒲叢之類蓋菰之有米者

長安人謂之雕胡菰之有首者謂之綠節葭蘆之未

解葉者謂之紫籜也**寇宗奭**曰菰蔣草如葦結青子

細若青麻黃長幾寸野人收之合粟為粥食之甚濟

饑也**李時珍**曰雕胡開花如葦芽結實長尺許大如

茅針其米甚白而滑膩作飯香脆**杜甫**詩波漂菰米

沉雲黑者即此周禮供御乃六穀九穀之數管子書

謂之鷹膳故收米入此**時**九月抽莖**色**皮黑褐**臭**香

其茭筍菰根別見菜部**霜**後采之**色**米白**臭**

味甘性冷

阿芙蓉 微毒

阿芙蓉主瀉痢脫肛不止能澁丈夫精氣

本草綱目名阿片

李時珍曰俗作鴉片名義未詳或云阿片

音稱訛也以其花色似芙蓉而得此名

苗李時珍曰阿芙蓉

前代罕聞近方有用者云是罌粟花之津液也罌粟結青苞時午后以大針刺其外面青皮勿損裏面硬皮或三五處次早津出以竹刀刮收入瓷器陰乾用之故今市者猶有苞片在內王氏醫林集要言是天方國種紅罌粟不令水淹頭七八月花謝后刺青皮取之者按此花五月實枯安得七八月后尚有青皮或方土不同乎

治李時珍曰俗人房中術用之京師售一粒金丹云通治百病皆方技家之術耳

○一粒金丹真阿芙蓉一分粳米飯搗作三丸每服
一丸未効再進一丸不可多服忌醋令人腸斷風癱
熱酒下口眼喎邪羌活湯下百節痛獨活湯下正頭
風羌活湯下偏頭風川芎湯下眩暈防風湯下陰毒
豆淋酒下瘡疾桃柳枝湯下痰喘亭蓆湯下久嗽乾
薑阿膠湯下勞嗽欬冬花湯下吐瀉藿香湯下赤痢
黃連湯下白痢薑湯下禁口痢白朮湯下諸氣痛木
香酒下熱痛梔子湯下臍下痛燈心湯下小腸氣川
棟茴香湯下血氣痛乳香湯下脇痛熱酒下噎食生
薑丁香湯下女人血崩五靈脂湯下小兒慢脾風砂
仁湯下○久痢阿芙蓉小豆許空心溫水化下日一
服忌葱蒜漿水若渴飲蜜水解之○一方罌粟花末
開時外有兩片青葉包之花開卽落收取爲末每
米飲服一錢神効赤痢用紅花者白痢用白花者

酸

性

溫

含

赤白痢下鴉片木香黃連白朮各一分研
末飯丸小豆大壯者一分老幼半分空心

味

米飲下忌酸物生冷油膩茶酒
麪無不止者口渴略飲米湯

蠶豆 無毒

蠶豆主快胃和臟腑○苗主酒醉不醒油鹽炒熟煮

湯灌之効

本草綱目

名

胡豆李時珍曰豆莢狀如老蠶故名王禎農書謂其蠶時始熟故名

亦通吳瑞本草以此為豌豆誤矣此豆種亦自西胡來雖與豌豆同名同時種而形性迥別太平御覽云

張騫使外國得胡豆種歸指此也今蜀人呼此為胡豆而豌豆不復名胡豆矣地李時珍曰蠶豆南土

種之蜀中尤多收其子以備荒歉

苗

方莖中空葉狀如匙頭本圓朱尖面綠背白柔厚一枝三葉花

如蛾狀又如豇豆花結角連綴如大豆頗似蠶形

時

八月下種冬生嫩苗二月開花紫白色四月始

熟

味

辛 甘 微

性

平

倉

李時珍曰蠶豆本草失載萬表稿善堂方言一女子誤吞針入腹諸

醫不能治一人教令煮蠶豆同韭菜食之針自大便同出此亦可驗其性之利臟腑也

刀豆

無毒

刀豆主溫中下氣利腸胃止飢逆益腎補元

本草綱目

挾劍豆李時珍曰以莢形命名也按段成式酉陽雜

俎云樂浪有挾劍豆莢生橫斜如人挾劍卽此豆也

苗

汪穎曰刀豆長尺許可入醬用李時珍曰刀豆人多種之三月下種蔓生引一二丈葉如豇豆葉而

稍長大五六月開紫花如蛾形結莢長者近尺微

似皂莢扁而劍脊三稜宛然嫩時煮食醬食蜜煎皆

佳老則收子其形如母指頭淡

味

甘

性

平

治

李時珍曰刀豆

紅色同豬肉雞肉煮食甚美

本草失載惟近時小書載其暖而補元陽也又有人
病後飢逆不止聲聞鄰家或令取刀豆子燒存性白
湯調服二錢卽止此亦取其下氣歸元而逆自止也

造釀部

豆黃無毒

豆黃主濕痺膝痛五臟不足胃氣結積壯氣力潤肌
膚益顏色填骨髓補虛損能食肥健人以煉豬脂和

丸每服百丸神驗秘方也肥人勿服

出延年秘錄

生嚼塗

陰痒汗出

本草綱目

製

李時珍曰造法用黑豆一斗蒸熟鋪席上以蒿覆之如會醬法待上

黃取出曬乾

搗末收用

味

甘

性

溫

禁

忌豬肉

治

打擊青腫大豆黃
為末水和塗之

倉

脾弱不食餌此當食大豆黃二升大麻子三
升熬香為末每服一合飲下日四五服任意

青精乾石飣飯

無毒

青精乾石飣飯主日進一合不饑益顏色堅筋骨能

行

本草拾遺

益腸胃補髓滅三蟲久服變白却老

圖經出太極

真人

名

烏飯蘇頌曰按陶隱居登真隱訣載太極真
人青精乾石飣飯法飣音信飣之為言殮也

法言

謂以酒蜜藥草輩溲而暴之也亦作迅凡內外諸書
並無此字推施於此飯之名耳陳藏器本草名烏飯

色

青黑

製

蘇頌曰登真隱訣載南燭草木名狀註見本
部本條下其作飯法以生白粳米一斛五斗

本草綱目卷之六

二

春治折取一斛二斗用南燭木葉五斤燥者三斤亦可雜莖皮煮取汁極令清冷以漉米米釋炊之從四月至八月末用新生葉色皆深九月至三月用宿葉色皆淺可隨時進退其斤兩又采軟枝莖皮於石臼中搗碎假令四五月中作可用十許斤熟舂以斛二斗湯浸染得一斛也此來只以水浸一二宿不必用湯灑而炊之初米正作紅色蒸過便如紺色若色不好亦可淘去更以新汁漬之酒漉皆用此汁惟令飯作正青色乃止高格曝乾當三蒸曝每蒸輒以葉汁漉令浥浥每日可服二斤勿復血食填胃補髓消滅三蟲上元寶經云子服草木之王氣與神通子食青燭之津命不復殞此之謂也今茅山道士亦作此飯或以寄遠重蒸過食之甚香甘也陳藏器曰烏飯法取南燭莖葉搗碎漬汁浸粳米九浸九蒸九曝米粒緊小黑如豎珠袋盛可以適遠方也李時珍曰此飯乃仙家服食之法而今之釋家多於四月八日造之

以供佛耳造者又入柿葉白楊葉數十枚以助色或又加生鐵一塊者止知其上色不知乃服食家所忌也

味甘 **性**平

糴 無毒

糴主五月五日取糴尖和截瘡藥良

本草綱目 **名** 角黍 時珍曰

糴俗作糴古人以菰蘆葉裹黍米煮成尖角如糴櫚葉心之形故曰糴曰角黍近世多用糯米矣今俗五月五日以為節物相餽送或言為祭屈原作此投江以飼蛟龍也

味甘 **性**溫

寒具 無毒

寒具主利大小便潤腸溫中益氣

本草綱目 **名** 捻頭 餠 饊 李環

時珍曰寒具冬春可留數月及寒食禁煙用之故名
寒具捻頭捻其頭也環餅象環釧形也餽易消散也
服虔通俗文謂之餽張揖廣雅謂之糈糒楚辭謂之
糒糒雜字解詁謂之膏環按鄭玄註周禮云寒具米
食也錢乙方中有捻頭散葛洪肘後有捻頭湯醫書
不載賈思勰要術云環餅一名寒具以水搜入牛乳
脂和作之入口卽碎林洪清供云寒具捻頭也以糯
粉和麪麻油煎成以糖食之可留月餘宜禁煙用觀
此則寒具卽今餽子也以糯粉和麪入少鹽牽索紐
捻成環釧之形油煎食之劉禹錫寒具詩云纖手搓
成玉數尋碧油煎出嫩黃深夜來
春睡經輕重壓匾佳人纏臂金
散治小兒小便不通用延胡索苦楝子等分爲末每
服半錢或一錢以捻頭湯食前調下如無捻頭滴油
數點代之○血痢不止地榆曬研爲末每服二錢摻
在羊血上炙熱食之以捻頭煎湯送下或以地榆煮

味

甘

性

溫

含

錢氏

捻頭

汁熬如飴狀一服
三合捻頭湯化下

蒸餅

無毒

蒸餅主消食養脾胃溫中化滯益氣和血止汗利三

焦通水道

本草綱目

名

李時珍曰按劉熙釋名云餅者并也洩麪使令并也有蒸餅湯胡餅

索餅酥餅之屬

味

甘

性

平

製

李時珍曰小麥麪修治食品甚多惟蒸餅其來

皆隨形命名也

最古是醪糟發成單麪所造丸藥所須且能治疾而
本草不載亦一缺也惟臘月及寒食日蒸之至皮裂
去皮懸之風乾臨時以水浸脹搗爛濾過和脾胃及
三焦藥甚易消化且麪已過性不助濕熱其以果菜
油膩諸物爲餡者不堪入藥

治

療

崩中下血陳年蒸餅燒存性米
飲服三錢○盜汗自汗每夜卧

時帶饑喫蒸餅一枚不過數日卽止。一切折傷寒食蒸餅爲末每服二錢酒下甚驗。湯火傷灼饅頭餅燒存性研末倉李時珍曰按愛竹談藪云宋寧宗油調塗傅之爲郡王時病淋日夜凡三百起國

醫罔措或舉孫琳治之琳用蒸餅大蒜淡豆豉三物搗丸令以溫水下三十丸曰今日進三服病當減三之一明日亦然三日病除已而果然賜以千緡或問其說琳曰小兒何緣有淋只是水道不利三物皆能通利故爾若琳者其可語醫矣。積年下血寒食蒸餅烏龍尾各一兩皂角七挺去皮酥炙爲末煉蜜丸米飲每服二十九。下痢赤白管衛氣虛風邪襲入腸胃之間便痢赤白臍腹痛裏急後重煩渴脹滿不進飲食用乾蒸餅蜜拌炒二兩御米殼蜜炒四兩爲末煉蜜丸芡子大每服一丸水一盞煎化熱服

米糍

無毒

米粃主通腸開胃下氣磨積塊作糗食不饑充滑膚

體可以頤養

汪穎

名

米粃糠亦糲薄之義也

李時珍曰

質

食物本草米

細糠也昔陳平食糠覈而肥也李時珍曰糠諸粟穀之殼也其近米之細者爲米粃味極甜儉年人多以豆屑或草木花實可食者和劑蒸煮以救饑云

味

甘

性

平

本草品彙精要續集卷之三

本草品彙精要續集目錄

卷之四

人部 正續五十四種 附續一十九種

爪甲 綱目
膝頭垢 綱目
癖石 綱目

人汗 綱目
眼淚 綱目
人氣 綱目

人魄 綱目
人骨 拾遺
人勢 綱目

木乃伊 綱目
方民 綱目
人傀 綱目

附服帛部

蠶繭

目 綱

絹

目 綱
附 緋 及 絹 汁

汗衫

目 綱

病人衣

目 綱

布

集 續
青 青 布 新
布 木 白 麻
燒 綿 木 布
及 布 綿 舊
附 汁 布 麻

頭巾

目 綱

幘頭

目 綱

皮巾子

目 綱

皮腰帶

目 綱

氈屨

目 綱

皮韉

目 綱

草鞋

遺 拾

附器物部

紙

集 續
錢 麻 藤 楮
附 紙 紙 紙
紙 草 竹
紙 紙

青紙

目 綱

桐油繖紙

目 綱

曆日

目 綱

鍾馗

目 綱

桃符性藥

吹火筒目網

銃楔目網

馬鞭目網

箭筈及鏃遺拾
紡車絃目網

連枷關目網

櫓檐尖目網
簞目網

簾箔嘉祐 籠附經

漆器目網
燈盞油目網

鍋蓋目網

蒸籠遺拾
炊單布目網

弊帚目網

簸箕舌目網
竹籃遺拾

魚筍目網

草麻繩索目網
馬絆繩目網 附氏

縛豬繩目網

牛鼻牽目網 附汁氏
厠籌遺拾

尿桶

綱 舊板
目 舊箱
附

本草品彙精要續集卷之四

太醫院

吏目臣王道純
醫士臣江兆元 奉

旨纂輯

人部

爪甲

原本載懷妊婦人爪甲
綱目補男女衆人爪甲

爪甲主催生下胞衣利小便治尿血及陰陽易病破

傷中風去目翳

本草綱目

名

退筋

地

李時珍云

爪甲者筋之

餘膽之外候也

靈樞經

云肝應爪爪厚色黃者膽厚爪薄色紅者膽薄爪堅
色青者膽急爪莢色赤者膽緩爪直色白者膽直爪

惡色黑者膽結

味

鹹甘性

堅

用

太上元科云

斬三尸法常以庚

辰日去手爪甲午日去足爪每

年七月十六日將爪甲燒灰和水服之三尸九蟲皆

滅名曰斬三尸。一云甲寅日三尸遊兩手剪去手

爪甲甲午日三尸遊兩足剪去足爪甲。外臺秘要

云消除腳氣每寅日割手足甲少侵肉去手脚氣

治

千金方

治小兒腹脹用父母指爪甲燒灰傅乳上

飲之。又方治妊婦尿血取夫爪甲燒灰酒服。

聖惠方治胞衣不下取本婦手足爪甲燒灰酒服即

令有力婦人抱起將竹筒于胸前趕下。危氏得效

方治飛絲入目刮爪甲末同津液點之其絲自聚拔

出也。集簡方治目生花翳用刀刮爪甲細末和乳

點之。簡便方治鼻出衄血用刀刮指甲細末吹之

即止試驗。又方治物入目中用左手爪甲刀刮屑

末燈草蘸點翳

倉

普濟方

治破傷風手足顫掉搖搖

上三次即出也

不已用人手足指甲燒存性六錢

薑製南星獨活丹砂各二錢共爲末分作二服酒下立效。○**又方**治破傷中風手足十指甲用香油炒研熱酒調呷服之汗出便好。○**千金方**治陰陽易病用手足爪甲二十片中衣襠一片燒灰分三服溫下男用女女用男。○**聖濟錄云**治小便尿血用人指甲五分頭髮一錢半燒研末每服一錢空心溫酒下。○**萬表積善堂方**治諸痔腫痛蠶繭內入男子指甲令滿外用童子頂髮纏裏燒存性研末蜜調傅之仍日日吞牛膽製過槐子甚效。○**聖惠方**治鍼刺人肉凡鍼折入肉及竹木刺者刮人指甲末用酸棗膏爛塗之次日定出。○**又方**治癰疽生腎一切目疾並以木賊擦取爪甲末同硃砂末等分研勻以露水搜九芥子大每以一粒點入目內。○**又方**治目生珠管用手爪甲燒灰貝齒燒灰龍骨各五錢爲末日點三四次。○**聖濟總錄方**治積年瀉血百藥不效用人指甲炒焦麝香各二錢半乾薑炮三兩白礬枯過敗皮巾燒灰

各一兩為末每日服
用粥飲一錢日二服

膝頭垢

膝頭垢

本草綱目

主唇緊瘡以綿裹燒研傳之

外臺秘要

癖石

癖石主消癖治噎膈

本草綱目

地

李時珍云有人專心成癖及病癥塊凝結成石

如牛黃狗寶鮮答之類皆諸獸之病也觀夫星隕為石沙淋石淋及釋氏顛顛結成舍利子皆精氣凝結而然故格物論云石者氣之核也羣書所載如寶生化石老樹化石皆無情之變異也魚蛇蝦蟹皆能化石乃有情質程子遺書云波斯人發古墓見肌膚都之變異也盡惟心堅如石鋸開中有山水如畫旁

有一女凭欄凝睇蓋此女有愛山水癖遂致融結如此宋濂云一浮屠行大舟三昧法示寂后焚之惟心不化狀如佛像非金非石又一人行禪觀法及死火葬心內包觀音像悉具醫書云一人病癰死火化有塊如石此皆癰癖頑凝性世說載貞婦登山望夫化成石之蹟故併錄之而為石此蓋志一不分有情之至物極必反遂入于無情也宋史載石工採石陷入石穴三年掘出猶活見風遂化為石此蓋吞納石氣久而與之俱化也夫生形尚全化石則頑心癰癖之化石亦其理也

人汗

有毒

人汗入飲食食之令人生疔毒

本草綱目

地

李時珍云汗出於心在內

則為血在外則為汗故曰奪汗者無血奪血者無汗

味

鹹

性

溫

眼淚有毒

眼淚其母哭泣墮子目令子傷睛生翳

本草綱目地李時珍云

淚者肝之液五臟六腑津液皆上滲于目凡悲哀笑欬則火激于中心系急而臟腑皆搖搖則宗脈感而液道開津上溢故涕泣出焉正如飢上水滴之意也

味

鹹

人氣

人氣主下元虛冷日令童男女以時隔衣進氣臍中

甚良凡人身體骨節痺痛令人更互呵熨久久經絡

通透又鼻衄金瘡噓之能令血斷

本草綱目

名

李時珍云醫家所謂

元氣相火仙家所謂元陽真火一也天非時採于春

此火不能生物人非此火不能有生耳食東

方青氣于夏食南方赤氣于秋食西方白氣于用老

冬食北方黑氣四季食中央黃氣亦大有效

人虛人與二七以前少陰同寢籍其薰蒸最為有益

杜甫詩云暖老須燕玉正此意也但不可行淫以喪

寶促生耳近時術家令童女以氣進入鼻竅臍中精

門以通三田謂之接補此亦小法不得其道者反以

致疾應治謝承續漢書云太醫史循宿禁中寒痼病

宜慎之發末火不得衆人以口更噓其背至旦遂

愈劉敬叔異苑云孫家奚奴治虎解葛洪抱朴子云

傷蛇噬垂死者以氣禁之皆安人在氣中氣在

人中天地萬物無不須氣以生善行氣者內以養生

外以却惡然行之有法從子至巳為生氣之時從午

至亥為死氣之時常以生氣時鼻中引氣入多出少

閉而數之從九九八八七七六六五五而止乃微吐

之勿令事體之既熟增至千數此爲胎息故善行
氣者可以避饑渴可以延年命可以行水上可以居
水中可以治百病可以入瘟疫以氣噓水則水逆流
噓火則火遙滅噓沸湯則手可探物噓金瘡則血卽
自止噓兵刃則刺不能入噓箭矢則矢自射噓犬則
不吠噓虎狼則伏退噓蛇蜂則不動吳越有禁咒行
氣之法遇有大疫可與同床不相傳染遇有精魅或
聞聲或現形擲石放火以氣禁之皆自絕或毒蛇所
傷噓之卽愈若在百里之外遙以我手噓咒男左女
右亦卽可安夫氣出于無形用之其效至此而况絕
穀延年乎

李時珍按此卽吾內養浩然之氣也符篆
家取祖氣卽此但彼徒皆氣餒庸人依倣安得驗哉

人魄

人魄主鎮心安神魄定驚怖顛狂磨水服之

本草綱目**地**

李時珍云人受陰陽二氣合成形體魂魄聚則生散則死死則魂升于天魄入于地魄屬陰其精沉淪入地化為此物亦猶星隕為石虎死目光墜地化為白石人血入地為燐為碧之意也質此是縊其下有物如麩炭即時掘取便得稍遲則深入矣解不掘去則必有再縊之掘去早解釋之可也

人骨

人骨主骨病接骨膿瘡並取焚棄者

本草拾遺

名

李時珍云許慎

言骨者肉之核也靈樞經云腎主骨有

治

醫林集要方治代杖

骨度篇論骨之大小長短廣狹甚詳

用燒過人骨為末空心酒服三錢受杖不腫不作瘡久服皮亦厚也○壽域神方治膿瘡用燒過人骨碎

者為末

倉

醫林集要方治接骨用燒過童子骨一兩

摻之乳香二錢喜紅絹一方燒灰為末熱酒調服先以桐木片札定立效○扶壽精方治折傷用死童子骨煨過香瓜子仁炒乾為末好酒下止痛極速

禁

李時珍云古人以掩暴骨為仁德每獲陰報而方技之流心乎利欲乃收人骨為藥餌仁術固如此

乎且犬不食犬骨而人食人骨可乎父之白骨惟親生子刺血瀝之即滲入又酉陽雜俎云荊州一人損脛張七政飲以藥酒破肉去骨一片塗膏而愈二年復痛張云所取出骨寒也尋之尚在床下以湯洗綿裹收之其痛遂止氣之相應如此孰謂枯骨無知乎仁者當知所悟矣

人勢

人勢主下蠶室創口不合

本草綱目

名

陰莖

治

李時珍云人陰莖非藥物

也陶九成輟耕錄載杭州沈生犯姦事露引刀自割其勢流血經月不合或令尋所割勢搗粉酒服不數日而愈觀此則下蠶室者不可不知此法也故附于此云

木乃伊

木乃伊

本草綱目

地

陶九成輟耕錄云天方國有人年七八十歲願捨身濟衆者絕不飲食惟

澡身啖蜜經月便溺皆蜜既死國人殮以石棺仍滿用蜜浸之鏹年月于棺瘞之俟百年後起封則成蜜劑
治凡遇人折傷肢體服少許立愈雖彼中亦不多得亦謂之蜜人陶氏所載如此不知果有否姑

附卷末以俟博識

方民

方民

本草綱目

地

李時珍云

人稟性于乾坤而圓形于一氣橫目二足雖則皆同而風土氣習自

然不一是故蝨處頭而黑豕居遼而白水食者腥草食者羶膏粱藜莧腸胃天淵菜褐羅紈肌膚玉石居養所移其不能齊者亦自然之勢也故五方九州水土各異其民生長氣息亦殊乃集方民附于人部以備醫診云

東方海濱傍水魚鹽之地其民食魚而嗜鹹黑色疎理其病多瘡瘍其治宜砭石○西方陵居多風水土剛彊其民不衣而褐華食而肥脂其病生于內其治宜毒藥○北方地高陵居風寒水冽其民野處而乳

食其病臟寒生滿其治宜灸炳○南方地下水土弱
霧露所聚其民嗜酸而食胘繳理而赤色其病多攣
痺其治宜微鍼○中央地平濕其民雜而不勞其病
多痿躄其治宜導引按蹻

出素問

九州殊題水泉各異風聲氣習剛柔不同○青州其
音角羽其泉鹹以酸其氣舒遲其人聲緩○荊揚其
音角徵其泉酸以苦其氣慄輕其人聲急○梁州其
音商徵其泉苦以辛其氣剛勇其人聲塞○兗豫其

音宮徵其泉甘以苦其氣平靜其人聲端○雍冀其

音商羽其泉辛以鹹其氣駛烈其人聲捷○徐州其

音角宮其泉酸以甘其氣悍勁其人聲雄

出河圖
括地象

堅土之人剛弱土之人懦墟土之人細息土之人美

耗土之人醜

出孔子
家語

山林之民毛而瘦得木氣多也川澤之民黑而津得

水氣多也丘陵之民團而長得火氣多也墳衍之民

皙而方得金氣多也原隰之民豐而痺得土氣多也

出宋太

史集

荊州一男二女揚州二男五女青州二男二女兗州

二男三女幽州一男三女并州二男三女豫州二男

三女雍州三男二女冀州五男三女

出周禮

土地生人各以類應故山氣多男澤氣多女水氣多

瘠風氣多聾林氣多癰木氣多偃石氣多力下氣多

燠險氣多癭谷氣多痺丘氣多狂廣氣多仁陵氣多

貪暑氣多天寒氣多壽輕土多利重土多遲清水音

小濁水音大湍水人重中土多聖賢

出淮南子
鴻烈篇

人傀

人傀

公同切怪異也本草綱目○李時珍云太初之時天地絪縕一氣生人乃有男女男女構精乃

自化生如草木之始生子一氣而后有根及子爲種相繼也人之變化有出常理之外者亦司命之師所當知博雅之士所當識故撰爲人傀附之人部以備多聞青咎之徵

易曰一陰一陽之謂道男女構精萬物化生乾道成男坤道成女此蓋言男女生生之機亦惟造化之良能焉耳齊司徒褚澄言血先至裏精則生男精先至

裹血則生女陰陽均至非男非女之身精血散分駢
胎品胎之兆道藏經言月水止後一三五日成男二
四六日成女東垣李杲言血海始淨一二日成男三
四五日成女聖濟經言因氣而左動陽資之則成男
因氣而右動陰資之則成女丹溪朱震亨乃非褚氏
而是東垣主聖濟左右之說而立論歸于子宮左右
之系諸說可謂悉矣時珍竊謂褚氏未可非也東垣
未盡是也蓋褚氏以精血之先後言道藏以日數之

奇偶言東垣以女血之盈虧言聖濟丹溪以子宮之
左右言各執一見會而觀之理自得矣夫獨男獨女
之胎則可以日數論而駢胎品胎之感亦可以日數
論乎稽之諸史載一產三子四子者甚多其子有半
男半女或男多女少男少女多西樵野記載明天順
時揚州民家一產五男皆育成觀此則一三五日爲
男二四六日爲女之說豈其然哉有一日受男而二
日復受女之理乎此則聖濟褚氏丹溪主精血子宮

左右之論爲有見而道藏東垣日數之論爲可疑矣
王叔和脈經以脈之左右浮沉辨猥生之男女高陽
生脈訣以脈之縱橫逆順別駢品之胎形恐亦臆度
非確見也王冰元珠密語言人生三子主太平人生
三女國淫失政人生十子諸侯競位人生肉塊天下
饑荒此乃就人事而論則氣化所感又別有所關也
夫乾爲父坤爲母常理也而有五種非男不可爲父
五種非女不可爲母何也豈非男得陽氣之虧而女

得陰氣之塞耶五不男天健漏怯變也

天者陽痿不用古云天宦

是也健者陽勢闡去寺人是也漏者精寒不固常自遺洩也怯者舉而不強或見敵不興也變者體兼男女俗名二形晉書以爲亂氣所生謂之人疴其類有三有值男卽女值女卽男者有半月陰半月陽者有可妻不可夫者此皆

五不女螺紋鼓角脈也

螺者乳竅內旋

有物如螺也紋者竅小卽實女也鼓者無竅如鼓也角者有物如角古名陰挺是也脈者一生經水不調及崩帶之類是也胎足十月而生常理也而有七月八月生

者十二三月生者十四五月生者或云氣虛也虞搏醫學正傳言有十七八月至二十四五月而生劉敬

叔異苑言太原溫磐石孕孕三年乃生豈亦氣虛至

于許久耶

今有孕七月而生子者多可育八月而生者多難育七變而八不變也。○魏略云黃

牛羗人孕六月而生。

○博物志云

獠人孕七月而生

○晉書云

苻堅母孕十二月生劉撟母孕十三月生

○漢書云

堯及昭帝皆以十四月生。

○三十國春秋

云劉聰母孕十五日乃生。

○搜神記云黃帝母名附

寶孕二十五

月而生帝

胞門子臟爲奇恒之府所以爲生人之

戶常理也而有自脇產自額產自背產自髀產者何

也豈子臟受氣駁雜而其系有不同如宋史所記男

陰生于脊女陰生于頭之類耶

史記云陸終氏娶鬼方之女孕而左脇出

三人右脇出三人子孫傳國千年天將興之必有尤物如脩已背坼而生禹簡狄胸坼而生契也。○魏志

云黃初六年魏郡太守孔羨表言汝南屈雍妻王氏以去年十月十二日生男兒從右腋下小腹上而出

其母自若無他畏痛今瘡已愈母子全安。○異苑云

晉時魏興李宣妻樊氏義熙中懷孕不生而額上有

瘡兒從瘡出長爲軍將名胡兒。○又云晉時常山趙

宣母妊身如常而髀上作痒搔之成瘡兒從瘡出母

子平安。○野史云莆田尉舍之左有市人妻生男從

殷髀間出瘡合母子無恙可證屈雍之事浮屠氏言

釋迦生于摩耶之右脇亦此理也。○嵩山記云陽翟

有婦人妊三十月乃生子從母背上出五歲便入山

學道。○瑯琊鈔云明朝成化中宿州一婦人孕脇腫

如癰及期兒從癰出瘡痂隨合其子名佛記兒。○李

時珍云明朝隆慶五年二月唐山縣民

婦有孕左腫脇疼兒從脇生母子無恙 陽生陰長孤

陽不生獨陰不長常理也而有思士不妻而感思女

不夫而孕婦女生鬚丈夫出潼男子產兒者何也豈

其氣脉時有變易如女國自孕雄雞生卵之類耶史記

云姜源見巨人跡履之而生棄有娥氏吞元鳥卵而生契皆不夫而孕也。宣政錄云宋宣和初朱節妻

年四十一夕領痒至明鬚長尺餘。草木子云元至正間京師一達婦髭鬚長尺餘。漢書云南陽朱元

全家疫死止一孫初生數旬蒼頭李善自哺乳之乳爲生潼。唐書云元德秀兄子襁褓喪親德秀自乳

之數日乳中潼流能食乃止。宋史云宣和六年都城有賣青菓男子孕而生子蓐母不能收易七人始

免而逃去。西樵野記云明嘉靖乙酉橫涇傭農孔方忽患膨脹憤憤幾數月自脇產一肉塊剖視之一

兒肢體毛髮悉具也

男生而覆女生而仰溺水亦然陰陽秉賦

一定不移常理也而有男化女女化男者何也豈乖

氣致妖而變亂反常耶京房易占云男化為女宮刑

濫也女化為男婦政行也春秋潛潭包云男化女賢

人去位女化男賤人為王此但以人事言而其臟腑

經絡變易之微不可測也

漢書云哀帝建平中豫章男子化為女子嫁人生一

子○

續漢書云

獻帝建安二十年越雋男子化為女

子○

李時珍云

明隆慶二年山西御史宋纁疏言靜

樂縣民李良雨娶妻張氏已四年矣後因貧出其妻自傭于人隆慶元年正月偶得腹痛時作時止二年

二月初九日大痛不止至四月內腎囊不覺退縮入腹變爲女人陰戶次月經水亦行始換女粧時年二十八矣。○洪範五行傳云魏襄王十三年有女子化爲丈夫。○晉書云惠帝元康中安豐女子周世寧以漸化爲男子至十七八而性氣成。○又孝武皇帝寧康初南郡女子唐氏漸化爲丈夫。○南史云劉宋文帝元嘉二年燕有女子化爲男人。○唐書云僖宗光啓二年春鳳翔郿縣女子朱鼐化爲丈夫旬日而死人異于物常理也而有人化物物化人者何也豈人亦太虛中一物並囿于氣交得其靈則物化人失其靈則人化物耶抑譚子所謂至嬌者化爲婦人至暴者化爲猛虎心之所變不得不變孔子所謂物老則

羣精附之爲五西之怪者耶

譚子化書云老楓化爲羽人自無情而之有情

也賢婦化爲貞石自有情而之無情也。世說武昌

貞婦望夫化而爲石。宋史云崑山石工採石陷入

石穴三年掘出猶活見風遂化爲石。幽冥錄云陽

羨小吏吳龕于溪中拾一五色浮石歸置牀頭至夜

化爲女子。左傳云堯殛鯀于羽山其神化爲黃熊

入于淵黃熊龍類也。續漢書云靈帝時江夏黃氏

母浴水化爲鼃入于淵。搜神記云魏文帝黃初中

清河宋士宗母浴于室化爲鼃入于水時復還家。

異苑云宋文帝元嘉中高平黃秀入山經日遂化爲

熊。淮南子云牛哀病七日化而爲虎搏殺其兄。

郡國志云藤州夷人往往化羆羆小虎也有五指。

博物志云江漢有羆人能化爲虎。唐書云武后時

郴州左史因病化虎擒之乃止而虎毛生矣。又憲

宗元和二年商州役夫將化爲虎衆以水沃之乃不

果。顧微廣州記云：滇陽縣俚民一兒年十五六牧牛，牛日舐兒甚快，舐處悉白。俄兒病死，殺此牛以供食。食此牛者，男女二十餘人，悉化為虎。○隋書云：文帝七年相州一桑門化為蛇，繞樹自抽，長二丈許。

抱朴子云：狐狼猴獾，參同契云：燕雀不生鳳，狐兔不

字馬，常理也。而有人產蟲獸神鬼怪形異物者，何也？

豈其視聽言動觸于邪思，隨形感應而然耶？又有人

生于卵，生于馬者，何也？豈有神異憑之，或因有所感

違而然耶？

博物志云：徐偃王之母產卵，棄之孤獨老母取伏之，出一兒，後繼徐國。○異說云：漢

末有馬生人名曰馬異及長，亾入胡地。

人具四肢七竅，常理也。而荒裔

之外有三首比肩飛頭垂尾之民此雖邊徼餘氣所
生同於鳥獸不可與吾同胞之民例論然亦異矣

山海

經云三首國一身三首在崑崙東○爾雅云北方有

比肩民半體相合迭食而迭望○異物志云嶺南溪

峒中有飛頭蠻項有赤痕至夜以耳爲翼飛去食蟲

物將曉復還如故○搜神記云吳將軍朱桓一婢頭

能夜飛卽此種也○永昌志云西南徼外有濮人生

尾如龜長三四寸欲坐則先穿地作孔若誤折之便

死是故天地之造化無窮人物之變化亦無窮賈誼

賦所謂天地爲爐兮造化爲工陰陽爲炭兮萬物爲

銅合散消息兮安有常則千變萬化兮未始有極忽

然爲人兮何足控搏化爲異物兮又何足患此亦言
變化皆由于一氣也膚學之士豈可恃一隅之見而
槩指古今六合無窮變化之事物爲迂怪耶

蠶繭無毒

蠶繭主癰腫無頭燒灰酒服次日卽破又療諸疔瘡
及下血血淋血崩煮汁飲止消渴反胃除虬蟲

本草綱目

名

繭

地

時

生

于四

採

于五月

取之

用

已出蛾者

陶弘

景云繭

入術

用

質

狀如蛋形中空如紙薄

色

白

味

甘

性

溫

治

李時珍云

蠶繭

方書多用而諸

家本草並不言及誠缺文也近世用治癰疽代鍼用一枚卽出一頭二枚卽出二頭神效無比煮湯治消渴古方甚稱之丹溪朱氏云此物屬火有陰之用能瀉膀胱中相火引清氣上朝於口故能止渴也繅絲湯及絲綿煮汁功並相同又黃絲絹能補腠錦灰止血並見本部蟲魚部內

倉

陳文中小兒方治痘

瘡疳蝕膿水不絕用出了蠶蛾繭以生白礬末填滿煨枯爲末擦之甚效。一方治口舌生瘡用蠶繭五個包蓬砂瓦上焙焦爲末抹之。惠濟方治反胃吐蚘吐食用蠶繭十個煮汁烹雞子三枚食之以無灰酒下日二服神效或以繅絲湯煮粟米粥食之。聖惠方治大小便血及婦人血崩血淋疼痛并腸風下血用蠶黃蠶蛻紙並燒存性晚蠶沙白殭蠶並炒等分爲末入麝香少許每服二錢米飲送下日三服甚効名蠶

黃散

絹無毒

黃絲絹主產婦脬損小便不出淋瀝不斷○燒灰止

血痢下血吐血血崩○煮汁止消渴洗痘瘡潰爛

本草

綱目名李時珍云絹疏帛也生曰絹熟曰練地處處時生織成採取用

入藥用黃絲絹新者乃蠶所吐黃絲成繭本色織成非染色也質長短不齊色黃味

甘性溫倉集簡方治婦人血崩用黃絹灰五分棕櫚灰一錢貫衆灰京墨灰荷葉灰各五分水

酒調服即止○婦人良方治產後脬損小便淋瀝不

斷用黃絲絹三尺以炭灰淋汁煮至極爛清水洗淨入黃蠟半兩蜜一兩茅根二錢馬勃末二錢水一升煎一盞空心頓服服時勿作聲作聲即不效名固脬

散。○**又方**治產時傷脾終日不小便只淋瀝不斷用生絲黃絹一尺白牡丹根皮末白及末各一錢水二盃煮至絹爛如錫服之不宜作聲即效

緋絹燒灰入瘡藥
綱目附錄

汗衫

汗衫主卒中忤惡鬼氣卒倒不知人逆冷口鼻出清血或胸脇腹內絞急切痛如鬼擊之狀不可按摩或吐血衄血用久垢汗衫燒灰百沸湯或酒服二錢男

用女女用男中襯衣亦可

本草綱目

名

中單袒

李時珍云古

者短襦為衫今謂長衣亦曰衫矣王敝炙轂子云漢王與項王戰汗透中單改名汗衫劉熙釋名云汗衣

詩謂之澤衣或曰鄙袒或曰羞袒用六尺裁足覆胸背言羞鄙于袒故衣此爾又前當胸後當背故曰褊

襦

治

生生編云小兒夜啼用本兒初穿毛衫兒放瓶內自不哭也

病人衣

病人衣主天行疫瘟取初病人衣服于甑上蒸過則

一家不染

本草綱目

布

無毒

布主血崩金瘡燒灰用

品彙續集

名

厚布

希布

紫花

李時珍云布有

木綿布麻布字從手從巾會意也

地

處處有之

用

白布舊麻布

青布

新麻布

青

布漬
質 厚希闊狹
色 本白 本紫 有
味 甘
性 溫
製

燒烟煨研水漬
治 陳藏器本草方治瘡傷風水用青

取汁酢煮青布
布燒烟于器中以器口熏瘡得惡

汁出則痛痒瘥○**千金方**治霍亂轉筋入腹無可奈

何以酢煮青布搽之冷則易○**又方**治病後目赤用

冷水漬青布掩之數易○**活人書云**治傷寒陽毒狂

亂甚者用青布一尺浸冷水貼其胸前○**聖惠方**治

目痛礫瀼不得瞑用青布炙
倉 陳藏器本草方治惡

熱以時熨之又蒸大豆作枕
瘡防水用青布和蠟

燒烟筒中燻之入水不爛○**鄧筆峯雜興方**治膝瘡

潰爛用陳艾五錢雄黃二錢青布同捲作大炷點火

熏之熱水流數次愈○**僧坦集驗方**治交接違禮

女人血出不止用青布同髮燒灰納之二次即愈
解

陳藏器云青布解諸物毒天行煩毒

小兒寒熱丹毒并水漬取汁飲之

新麻布主逐淤血婦人血閉腹痛產後血痛以數重

包白鹽一合煨研溫酒服之

綱目分錄

舊麻布主同旱蓮草等分瓶內泥固煨研日用揩齒

能固牙烏鬚

綱目分錄

白木綿布主口唇緊小不能開合飲食不治殺人作

大炷安刀斧上燒令汗出拭塗之日三五度再用青

木綿布燒灰酒服

綱目分錄

青木綿布浸汁和生薑汁服止霍亂燒灰傳惡瘡經

年不瘥者及灸瘡止血令不傷風水燒烟熏嗽殺蟲

熏虎狼咬瘡能出水毒入諸膏藥療疔腫狐尿等惡

瘡

本草拾遺

燒灰酒服主唇裂生瘡口臭仍和脂塗之與

藍靛同功

綱目分錄

頭巾

故頭巾主天行勞復後渴取多膩者浸汁暖服一升

出千

名

李時珍云

古以尺布裹頭為巾後世以紗羅

金方

布

葛縫合方者曰巾圓者曰帽加以漆製曰

冠又束髮之帛曰帶覆髮之巾

治

集元方

治霍亂吐

日幘罩髮之絡曰網巾近制也

利

偷本人頭繪以

百沸湯泡汁服一呷勿令知之
聖惠方治卒忽心痛用三年頭帶沸湯淋汁飲之以盥覆帶于閑地遇時卽愈
倉馬氏方治惡氣心痛用破網巾燒灰一錢猫屎燒灰五分溫酒用
集簡方治下蝕疳瘡破絲網燒存性孩兒茶各五分研末以濃茶洗淨搽之三五次效
忌生冷房事發物

幞頭

幞頭主燒烟熏產後血運燒灰水服治血崩及婦人

交腸病

本草綱目

名

李時珍云幞頭朝冠也北周武帝始用漆紗製之至唐又有紗帽之制逮

今用

倉

陳總領方治暴崩下血琥珀散用漆紗帽灰云取陽氣冲上之義○夏子益奇疾方治婦

人因生產陰陽易位前陰出糞名曰交腸病取舊幞頭燒灰酒服再間服五苓散分利之

代

如無幞頭

凡舊漆紗帽皆可代之此
皆取漆能行敗血之義耳

皮巾子

皮巾子主下血及大風癘瘡燒灰入藥

本草綱目

倉

聖惠方治

積年腸風瀉血百藥不瘥用敗皮巾子燒灰白礬煨過各一兩人指甲燒焦麝香各一分乾薑炮三兩爲末每服一錢米飲下

皮腰帶

皮腰帶主大風癘瘡燒灰入藥

本草綱目

羶屨

音替

躡屣主瘰癧燒灰五七酒一升和平旦向日服取吐

良

千金食治

名

屣音替中薦襪下

躡音焚

李時珍云

凡履

治

集要

方治痔瘡初起痒痛不止用躡襪烘熱熨之冷又易

壽域方治一切心痛用躡襪後跟一對燒灰酒服

男用女女用男○千金方治斷酒不飲

以酒漬躡屣一宿平旦飲得吐即止也

皮鞞

皮鞞主癰瘡取舊鞞底燒灰同皂礬末摻之先以葱

椒湯洗淨

本草綱目

名

靴

李時珍云

鞞皮履也

地

劉熙云鞞

跨也本胡服趙武靈王好着

短鞞鞞后世乃作長鞞鞞

質

有牛皮馬皮驢皮麂皮等鞞

用

入藥

惟用牛皮者
色 本色黃
味 甘
性 溫
臭 膻
製 洗淨煮爛或燒灰
治 聖惠

方 治小兒頭瘡用皮鞋底洗淨煮爛洗訖傳之。
指方 治身項粉瘤用舊皮鞋底洗淨煮爛成凍子常食之瘤自破如豆腐極臭。
集元方 治瘰癧已潰用牛皮油韃底燒灰麻油調傳之。
瘡 直指方瘰瘡用牛皮鞋底燒灰入輕粉少許麻油調抹。
聖惠方 治腸風下血用皮鞋底蠶蛭蛻核桃殼紅鷄冠花等分燒灰每服一錢酒送下。
又方治小兒頭瘡用舊皮鞋面燒灰入輕粉少許生油調傳之。

草鞋

草鞋主催生療霍亂

名 屨 草屨 不借
綱目 里馬 李時珍云世本

言黃帝之臣始作屨即今草鞋也。
劉熙釋名云屨名者拘也所以拘足也。
屨者躋也着之躋便也不借者

賤而易得

地

南方用稻

時

採無時于路

用

有去兩

有全

質

如履狀口用

色

黃

味

甘

性

溫

製

洗淨燒灰或煎湯應用

治

胎產方治產婦催生用路傍破草鞋一隻洗淨燒灰酒服二錢如得左足男胎右足女胎覆者兒死

側者兒驚自然之理也

○事海文山云

出路在家應

急方治霍亂吐瀉用路傍破草鞋去兩頭洗三四次

水煎湯一盞

倉

救急方治渾身骨痛用破草鞋燒灰

滾服之即愈

香油和逢痛處即止○又方治行路

足腫被石墊傷者用草鞋浸尿缸內半日以磚一塊

燒紅置鞋于上將足踏之令熱氣入皮裏即消○**海**

上方治癰瘡潰爛有詩云左脚草鞋將捧挑水中

洗淨火中燒細研爲末加輕粉濯用鹽湯傳即消

紙

無毒

紙主吐血衄血血痢不止月經不絕產後血運老小

尿牀俱燒灰用

品彙續集

名

李時珍云古者編竹炙青書字謂之汗青故簡策字皆從

竹按文天祥詩云留取丹心照汗青是也至秦漢間

以繪帛書字謂之幡紙故紙字從糸或從巾也從氏

諧聲也

劉熙釋名云紙

地

東漢和帝時來陽蔡倫始採樹皮故帛魚網麻繪煮

者砥也其平如砥也

爛造紙天下乃通用之

蘇易簡紙譜云蜀人

以桑皮剡溪以藤海人以苔浙人以

人以嫩竹北人以桑皮剡溪以藤海人以苔浙人以

麥麴稻稈吳人以繭

用

凡燒藥以墨塗紙裏藥最能拒火藥品中有閃刀紙乃摺

楚人以楮爲紙是也

紙之際一角疊在紙中匠人不知漏裁者

質

有竹紙楮

醫人取入藥用今方中未見用此何歟

紙藤紙草紙麻紙苔紙桑皮紙麥

色

有白有黃有蒼色或染成青黃

麴稻稈紙厚薄不同大小不等

赤黑
諸色
味 甘
性 平
製 燒灰
治 普濟方治吐血不止用白

可言 又方用屏風上故紙燒灰酒服一錢即止。

王璆百一選方治皮膚血澱出者以煮酒壘上紙扯

碎如楊花捏在出血處按之即止。聖惠方治血痢

不止用白紙三張裹鹽一匙燒赤研末分三服米飲

下。劉禹錫傳信方治月經不絕來無時者案紙三

十張燒灰清酒半升和服頓定冬月用煖酒服之。

又治產後血運上方服之立驗已斃經一日者去板

齒灌之亦活。集元方治諸蟲入耳以紙塞耳鼻留

蟲入之耳不塞閉口勿言少頃蟲當出也。集簡方

治老小尿牀用白紙一張鋪席下待遺于上即取紙

晒燒
酒服

楮紙燒灰主吐血衄血血崩金瘡出血
綱目
分錄

竹紙包犬毛燒末酒服止瘡

聖惠方

藤紙燒灰傳破傷出血及大人小兒內熱衄血不止用故藤紙瓶中燒存性二錢入麝香少許酒服仍以

紙撚包麝香燒烟熏鼻

綱目分錄

草紙作撚紅癰疽最拔膿蘸油燃燈照諸惡瘡浸淫

濕爛者出黃水數次取効

綱目分錄

麻紙止諸失血燒灰用

綱目分錄

紙錢主癰疽將潰以筒燒之乘熱吸患處其灰止血

其烟久嗅損人肺氣

綱目分錄

青紙

青紙主妬精瘡以唾粘貼數日即愈且護痛也彌久

者良上有青黛殺蟲解毒

本草綱目

桐油繖紙

桐油繖紙主蛙幹陰瘡燒灰出火毒一夜傳之便結

痂

本草綱目

倉

醫方捷徑云

治疔瘡發汗用千年石灰炒十分舊黑傘紙燒灰一分每用一小匙先

以藎水些少次傾香油些少入末攪勻沸湯一盞調下厚被蓋之一時大汗出也

曆日

曆日主邪瘧不止

本草綱目

名

李時珍云太昊始作曆日是

頌朔于

治

衛生易簡方治邪瘧用隔年全曆端午午時燒灰糊丸如梧子大發日早用無根水

送下五

十丸

鍾馗

鍾馗主辟邪止瘧

本草綱目

地

逸史云唐高祖時鍾馗應舉不第觸階而死後明皇

夏有小鬼盜玉笛一大鬼破帽藍袍捉鬼啖之上問之對曰臣終南山進士鍾馗也蒙賜袍帶之葬誓除天下虛耗之鬼乃命吳道子圖像傳之天下

治

楊起簡便方治婦人難生產用鍾馗左脚燒灰水服

倉

聖濟錄云治鬼瘡來去畫鍾馗紙燒灰二錢阿魏

砒霜丹砂各一皂子大為末寒食麪和丸小豆大

每服一丸發時冷水下用正

月十五日五月初五日修合

質

李時珍云謹按爾雅言中馗菌名也

考工

記註云

終葵椎名也菌似椎形椎似菌形故得同稱

俗畫神執一椎擊鬼故亦名中馗好事者因作鍾馗

傳言是未第進士能啖鬼

遂成故事不知其訛矣

桃符

桃符主中惡精魅邪氣煮汁服

藥性本草

地

李時珍云風俗通云東海

度朔山有大桃蟠屈千里其北有鬼門二神守之名

神荼鬱壘主領眾鬼黃帝因立此板于門畫二神以

禦凶鬼

時

生無

採

無時應

用

取桃樹

質

典術云桃乃

邪祟

時

時

用取之

用

向陽者

質

西方之木五

木之精仙木也削成大小木板用之**色**白**味**辛**性**溫**氣**惡故能厭伏邪

倉錢乙小兒方有桃符圓疎取積熱及結胸用巴豆霜黃藥大黃各一錢一字輕粉硃砂各半錢爲末

麴糊丸粟米大量大小用桃符湯下無則以桃枝代之蓋桃性快利大腸兼取厭伏邪惡之義耳**解**

今人門上往往用桃符辟邪氣

吹火筒

吹火筒主小兒陰被蚯蚓阿腫令婦人以筒吹其腫

處卽消本草綱目

銃楔

欽楔主難產燒灰酒服之又辟忤惡邪氣

本草綱目

馬鞭

馬鞭主馬汗氣入瘡或馬毛入瘡腫毒煩熱入腹殺

人燒鞭皮末和膏傳之

本草綱目

名

馬策

李時珍云

竹

革便策從竹束會意

含

李時珍方

治狐尿刺瘡腫痛取鞭稍二寸鼠屎二七粒燒研和膏傳之

箭筈及鏃

箭筈及鏃主婦人產後腹中痒密安所臥席下勿令

婦知

本草拾遺

刺傷風水刮箭下漆塗之又主疔瘡惡腫

刮箭筈茹作炷灸二七壯

本草綱目

名

楊雄方言云自關而東謂之矢自關

而西謂之箭江淮之間謂之鏃

劉熙釋名云矢

舍

外臺

又謂之鏃本曰足末曰括體曰幹旁曰羽諸名

秘要方

治婦人難產用箭幹三寸弓弦三寸燒末酒服方出崔氏○

小品方

治難產飛生丸用故箭羽方

見禽部

鷩鼠下

紡車絃

紡車絃主坐馬癰燒灰傳之

本草綱目

凡人逃走取其髮

於緯車上逆轉之則迷亂不知所適

本草拾遺

連枷關

連枷關

本草綱目

主轉胞小便不通燒灰水服

千金方

樛檐尖

樛檐尖

本草綱目

主腸癰已成取少許燒灰酒服當作孔

出膿

千金食治

簞

簞主蜘蛛屎蠅螋屎瘡取舊者燒灰傅之

本草綱目

名

蘆

符簞

荀席

李時珍云簞可

地

出竹處有之

用

有蒲簞藤簞竹

簞入藥當用竹簞

質

細削竹為篾編織成之長短濶狹不等按邸風云蘆篠不鮮朱

必須睡舊者為佳

註云蓮條本竹席之名
竹席卽簞也簞卽簣也
秘要云治小兒初生吐不止者用蓮條少許同人乳
二合鹽二栗許煎沸入牛黃栗許與服此劉五娘方
也

簾箔

簾箔

嘉祐補註本草

厠屋戶簾主小兒霍亂燒灰飲服一錢

外臺秘要

箔經繩主癰疽有膿不潰燒研和臘豬脂傳下

畔卽潰不須鍼灸

千金方

名

李時珍云其形方廉而薄故曰簾曰箔

地

處

有之

用

厠戶簾及箔經繩并敗芒箔

質

以竹及蓍芒編成其帛幕曰帟

敗芒箔

見草部下

漆器

漆器主產後血運燒烟熏之即甦又殺諸蟲

本草綱目

名

漆盤

漆鍾

漆盒

漆地

處處有之

用

朱紅漆黑漆金漆諸器

質

器有大小不等

色

黑赤

黃

味

辛

紫

性

溫

治

集簡方

治血崩

不止用黑漆器燒灰

救急方

治白禿頭瘡用

破朱紅漆器剥取漆

朱燒灰油調傳之

倉

集簡方治血崩不止用漆器灰椶灰各一錢柏葉煎湯下

解

古今錄驗方解蠍蠱螫傷以漆木盤合螫處神驗

燈盞油

有毒

燈蓋油主一切急病中風喉痺痰厥用鷺翎掃入喉

內取吐即效又塗一切惡瘡疥癬本草綱目**名**燈窩地家

有**味**辛**性**溫**倉**集元方治乳上生癰用脂麻炒焦**鮮**

鮮釋走馬喉痺詩云急喉痺腫最堪憂速取點燈蓋內油甚者不過三五呷此方原是至人留

鍋蓋

鍋蓋主牙疳陰疳取黑垢同雞胗脰黃皮灰蠶繭灰

枯礬等分爲末米泔洗後頻傳之本草綱目

蒸籠

蒸籠

本草拾遺

主取年久竹片同熨帚紮縛草舊麻鞋底

繫及蛇蛻皮燒灰擦白癩風

太平聖惠方

炊單布

炊單布主墜馬及一切筋骨傷損張仲景方中用之

本草

解

王璆百一選方言一人因開甑熱氣蒸面即

綱目

浮腫眼閉一醫以意取久用炊單布為末隨

傳隨消蓋此物受湯上之氣多故用此引出

湯氣之毒亦猶鹽水取鹹味以類相感也

熨帚

熨帚主白駁癩風燒灰入藥

本草綱目

名

簞

許慎說文

云帚從手持巾

以掃除也
地處處有之凡竹枝荊苕黍林茭
竹帚曰箒
治聖惠

身面疣目每月望子時以禿
帚掃疣目三七遍漸漸消去
治古今錄驗方治白駁

甌帶脯腊蟬頸蛇皮等分以月食時合燒為末酒服
方寸匕日三服仍以醇醋和塗之忌食發風物此乃

徐玉方也

簸箕舌

簸箕舌
本草主重舌出涎燒研酒服一錢又主月水

不斷
大平聖名竹簸箕
李時珍云杞柳簸箕
地南人用竹

柳為
治集元方催生用簸箕
之淋水一盞飲數口

竹籃

竹籃主取耳燒灰傳狗咬瘡

本草拾遺

名

陳藏器云做成竹器也國風云

不盈頃筐朱註云

地

出于南方甚多無竹處罕有

筐竹器故又名筐

魚筍

魚筍

本草綱目

主舊筍鬚療魚骨哽燒灰粥飲服方寸匕

肘後

名

歐陽詢初學記云取魚之器曰筍音苟曰簍音留曰眾音孤曰筐音罩曰篋音抄諸名

草麻繩索

草麻繩索主大腹水病取三十枚去皮研水三合旦

服日中當吐下水汁結囊若不盡三日後再作未盡

更作瘥後禁水飲鹹物本草綱目名李時珍云小治肘後方治

斷瘟不染以繩度所住戶中壁屈繩結之即不染也
○聖惠方治消渴煩躁取七家井索近餅口結處燒

灰新汲水服一錢
不過三五服効

馬絆繩

馬絆繩主煎水洗小兒癩唐本草燒灰摻鼻中瘡本草綱目

縛豬繩

縛豬繩本草綱目主小兒驚啼發歇不定用臘月者燒灰

水服少許

本草拾遺

牛鼻拳

音卷

牛鼻拳

本草綱目

木拳主小兒癰草拳燒研傅小兒鼻下

瘡

名醫別錄

木拳煮汁或燒灰酒服治消渴草拳灰飲

風有效

本草綱目

名

李時珍云穿牛鼻繩木也

倉

普濟方治消渴飲水用牛鼻木二箇男用

牝牛女用牡牛者洗判人參甘草半兩大白梅一箇水四碗煎三碗熱服甚妙。

救急方

治冬月皸裂用

牛鼻繩末和五倍子末填入薄紙貼之

廁籌

廁籌主難產及霍亂身冷轉筋於牀下燒取熱氣微

上亦主中惡鬼氣此物最微其功可錄

本草拾遺

倉

王氏小兒

方治小兒驚竄兩眼看地不上者用皂角燒灰以童尿浸刮屎柴竹火烘乾爲末貼其顙門卽甦○**聖惠**
方治小兒齒遲正旦取尿坑中竹木刮塗之卽生

尿桶

尿桶

本草綱目

舊板主霍亂吐利煎水服山村宜之

如宜

舊簍主脚縫搔痒或瘡有竅出血不止燒灰傅之年

久者佳

本草綱目

本草品彙精要續集卷之四

